

## 1. UVOD

Strana ulaganja su takav oblik ulaganja kod koga ulagač obezbjeđuje pravo svojine, kontrole i upravljanja nad firmom u koju su uložena sredstva radi ostvarivanja nekog dugoročnog ekonomskog interesa.

Sadašnje vrijeme koje se posebno manifestira kroz prizmu opšte ekonomske krize koja je zahvatila sve sfere života a posebice financijske tokove i financijska tržišta, neumitno je zahvatila i projekte koji su u sebi podrazumjevali aktivnosti na realizaciji određenih financijskih ulaganja, posebno onih koja se odnose na direktna strana ulaganja. Istina, iste nisu bile prisutne u značajnijem obimu na prostorima Bosne i Hercegovine ni prije aktuelne ekonomske krize ali s istom pad direktnih stranih ulaganja doživio je svoj maksimum.

Razlozi su mnogi. Veliki broj barijera koje stoje na putu provođenja ekonomskih reformi unutar zemlje uspješno blokira bilo kakav pomak na ovom polju. Priliv toliko potrebnog kapitala u financijske tokove ove zemlje, toliko je nužan da ukoliko ne dođe do radikalnih promjena u politici provođenja reformi.

Osnovni cilj rada jeste proširiti znanja iz ove oblasti, te shvatiti probleme Bosne i Hercegovine i rješenja koja nude direktna strana ulaganja. Koristeći dostupne resurse u kojima je ova tematika obimno obrađena, pažnja se usmjerava na najvažnije činjenice koje su vezane za strana ulaganja.